

Na osnovu člana 4. tačka 1. Odluke o osnivanju Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (Službene novine Kantona Sarajevo broj 13/98) Upravni odbor uz saglasnost Skupštine Kantona Sarajevo na sjednici održanoj dana 14. 02. 1998 godine donosi

S T A T U T

Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

I OPŠTE ODREDBE

Član 1.

Statutom Fonda Kantona Sarajeva za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u daljem tekstu: Fond) uređuju se: poslovi i zadaci Fonda, upravljanje Fondom, rukovođenje fondom, sredstva Fonda, nadzor nad radom Fonda, obavljanje stručnih i administrativno-tehničkih poslova, i ostala pitanja značajna za rad Fonda.

Član 2.

Fond će poslovati pod nazivom Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

Skraćeni naziv Fonda je: Fond za izgradnju stanova
Fond ima svojstvo pravnog lica.

Član 3.

Sjedište Fonda je u Sarajevu, ul. Ef. Džemaludina Čauševića broj 1.
Fond ima svoj pečat.

Sadržaj pečata glasi: Fond Kantona Sarajevo za izgradnju stanova.
Pečat je okruglog oblika, promjera 50 mm i 20 mm.
Fond ima poseban račun, dinarski i devizni.

II POSLOVI I ZADACI FONDA

Član 4.

Fond obavlja slijedeće poslove i zadatke:

-prikuplja sredstva ostvarena prodajom stanova u skladu sa Zakonom o prodaji stanova na kojima postoji stanarsko pravo (Službene novine Federacije Bosne i Hercegovine BiH, br. 27/97 i 11/98)

-prati i vrši nadzor nad sprovođenjem utvrđene obaveze u članu 38.ovog zakona,da subjekti koji ostvare sredstva od prodaje stanova u skladu sa čl.35.,36. i 37.zakona,70% sredstva usmjeravaju u Fond,namijenjenih za dugoročno ulaganje i finansiranje određenih programa (usmjerene)stambene izgradnje,koji su uskladu sa programom rada Fonda i odlukom o osnivanju Fonda,

može sa domaćim pravnim ili fizičkim licem ugovarati izgradnju i kupovinu stanova i druge poslove

Uslovi iz prethodnog stava,kao i kriteriji za usmjeravanje i raspoređivanje sredstava Fonda regulisat će se posebnim općim aktom Fonda

III UPRAVLJANJE FONDOM

Član 5.

Fondom upravlja Upravni odbor Fonda koji ima pet članova.

Članove Upravnog odbora imenuje i razrješava Vlada Kantona Sarajevo (u daljem tekstu: Vlada).

Mandat članova Upravnog odbora traje četiri godine.

Član 6.

Upravni odbor iz svojih redova bira predsjednika i zamjenika predsjednika na period od četiri (4) godine.

Predsjednik Upravnog odbora rukovodi radom Upravnog odbora.

U slučaju odsutnosti ili spriječenosti Predsjednika radom Upravnog odbora rukovodi jedan od članova koga za to ovlasti Predsjednik .

Član 7.

Upravni odbor može donositi punovažne odluke ako sjednici prisustvuje nadpolovična većina njegovih članova.

Odluke se donose većinom glasova prisutnih članova Upravnog odbora.

Ostala pitanja koja se donose na rad Upravnog odbora,regulisat će se Poslovníkom o radu Upravnog odbora.

Član 8.

Članovi Upravnog odbora za svoj rad odgovorni su Vladi Kantona,a nadzor nad zakonitošću rada Fonda i stručni nadzor vrši Ministarstvo prostornog uređenja,stambenih i komunalnih poslova Kantona Sarajevo.

Član 9.

Upravni odbor Fonda vrši slijedeće poslove i zadatke:

- 1.Donosi Statut Fonda na koji saglasnost daje Skupština Kantona Sarajevo (u daljem tekstu: Skupština),
- 2.Donosi srednjoročne planove i programe izgradnje (i kupovine) stanova na koje saglasnost daje Skupština, odnosno godišnje planove i programe Fonda na koje saglasnost daje Vlada,
- 3.Donosi Poslovník o radu Upravnog odbora,
- 4.Prati realizaciju planova i programa izgradnje (i kupovine) stanova, vrši kontrolu namjenskog i racionalnog korištenja sredstava Fonda,
- 5.Utvrđuje kriterije za usmjeravanje i raspoređivanje sredstava Fonda,
- 6.Usvaja završni račun Fonda,na koji saglasnost daje Skupština

7. Usvaja godišnji izvještaj o poslovanju Fonda, na koji saglasnost daje Vlada
8. Obavlja i druge poslove za koje je ovlašten propisom, Statutom i drugim općim aktima Fonda.

IV-RUKOVOĐENJE FONDOM

Član 10.

Organ rukovođenja u Fondu je direktor.

Direktor predstavlja i zastupa Fond, izvršava odluke Upravnog odbora Fonda, stara se o pravilnom i zakonskom materijalno- finansijskom poslovanju Fonda, rukovodi stručnim i administrativnim poslovima Fonda.

Član 11.

Direktora Fonda imenuje Upravni odbor Fonda, na osnovu javnog konkursa uz saglasnost Vlade Kantona Sarajevo.

Direktor Fonda imenuje se na period od četiri (4) godine.

Direktor Fonda može biti razriješen na lični zahtjev, odnosno u slučajevima predviđenim zakonom i Pravilnikom o unutrašnjoj organizaciji Fonda.

Član 12.

Za Direktora Fonda može se imenovati lice koje pored općih uslova propisanih zakonom ispunjava i posebne uslove:

- VSS sprema -završen građevinski ili arhitektonski fakultet,
- radno iskustvo-najmanje pet godina na rukovodnim poslovima,
- da je u svom dosadašnjem radu pokazao organizacione i poslovne sposobnosti.

Član 13

Direktor obavještava Upravni odbor o svim pitanjima koji se tiču rada Fonda, podnosi periodične i godišnje izvještaje o radu Fonda Upravnom odboru, predlaže mjere, postupke i aktivnosti za ostvarivanje ciljeva Fonda i unapređenju rada Fonda.

Član 14.

Direktor prisustvuje sastancima Upravnog odbora Fonda, izvršava odluke Upravnog odbora Fonda koje su u skladu sa propisima, ciljevima osnivanja ili rada Fonda.

Član 15.

Direktor Fonda za svoj rad odgovara Upravnom Odboru.

Član 16

Prava, obaveze i odgovornosti Direktora Fonda regulisat će se Pravilnikom o unutrašnjoj organizaciji Fonda, odnosno općim aktima fonda.

V SREDSTVA FONDA

Član 17

- Sredstva za finansiranje poslova Fonda obezbjeđuje se od:
- prikupljenih sredstava ostvarenih prodajom stanova
 - donacije iz budžeta Kantona Sarajevo,
 - donatorskih priloga pravnih i fizičkih lica iz zemlje i inostranstva,
 - ostalih sredstava.

Član 18.

Sredstva Fonda koristiće se za finansiranje poslova iz člana 4. Statuta, kao i za druge poslove i zadatke a u skladu sa finansijskim planom.

VI STRUČNI I ADMINISTRATIVNI POSLOVI FONDA

Član 19.

Za obavljanje stručnih i administrativno-tehničkih poslova Fonda osniva se Služba. Uslovi, način rada, broj izvršioaca, kao i ostvarivanje prava, dužnosti i odgovornosti radnika, regulisat će se Pravilnikom o unutrašnjoj organizaciji Fonda.

VII- ZAVRŠNE ODREDBE

Član 20.

~~Sva pitanja koja nisu regulisana ovim Statutom, regulisat će se opštim aktima Fonda, koje donosi Upravni odbor na prijedlog Direktora Fonda.~~

Član 21

Izmjene i dopune ovog Statuta vrše se po postupku i na način predviđen za njegovo donošenje.

Član 22

Ovaj Statut stupa na snagu danom davanja saglasnosti Skupštine Kantona Sarajevo, a objaviće se u "Službenim novinama Kantona Sarajevo".

PREDSJEDNIK
UPRAVNOG ODBORA

Omer Behmen, dipl.ing.grad.

Broj: 01
Sarajevo, 14. 08. 1998.godine

XV - PRELAZNE I ZAVRŠNE ODREDBE

Član 46.

Na pitanja koja nisu regulisana odredbama ove Odluke shodno se primjenjuju odredbe Zakona i Zakona o privrednim društvima.

Član 47.

Stupanjem na snagu ove Odluke prestaje primjena Odluke o usklađivanju statusa društva sa Zakonom o privrednim društvima broj 01/00 25. 12. 2000. godine.

Član 48.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-14765/06 Predsjedavajuća
5. aprila 2006. godine Skupštine Kantona Sarajevo
Sarajevo Meliha Alić, s. r.

Na osnovu člana 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa članovima 2. i 3. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05), članom 79. stav 1. i članom 91. Zakona o veterinarstvu ("Službene novine Federacije BiH", broj 46/00) i Odlukom o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", broj 28/98, 36/98 i 47/98), Skupština Kantona Sarajevo, na sjednici od 5. aprila 2006. godine, donijela je

ODLUKU

**O IZMJENAMA I DOPUNAMA ODLUKE O
USKLAĐIVANJU STATUSA JAVNOG PREDUZEĆA
"KANTONALNA VETERINARSKA STANICA
SARAJEVO" SA ZAKONOM O JAVNIM
PREDUZEĆIMA U FEDERACIJI
BOSNE I HERCEGOVINE**

Član 1.

U članu 8. Odluke o usklađivanju statusa Javnog preduzeća "Kantonala veterinarska stanica Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 30/05) briše se šifra:

"52.31.52.310 Apoteke, izdavanje i spravljanje lijekova po recepturi".

Član 2.

Iza člana 8. dodaje se novi član 8a. koji glasi:

"Preduzeće na osnovu člana 91. tačke 15. i 17. Zakona o veterinarstvu ("Službene novine Federacije BiH", broj 46/00) obavlja sljedeće djelatnosti:

- vrši uvoz i izvoz, promet na veliko i malo veterinarskih lijekova, vakcina, seruma i dijagnostičkog materijala, veterinarske, medicinske opreme i instrumenata u skladu sa Zakonom o lijekovima koji se upotrebljavaju u veterinarstvu ("Službene novine Federacije BiH", broj 15/98), sredstava za dezinfekciju, dezinfekciju i deratizaciju i radiološku dekontaminaciju opreme i sredstava za unapređenje stočarstva, stočne hrane i dodataka stočnoj hrani, aditiva živih životinja i jajnih ćelija, sredstava i opreme za kućne ljubimce, egzotiku i akvaristiku.
- obavlja propisane veterinarsko - zdravstvene preglede živih životinja, životinja namijenjenih za klanje, pregled mesa i organa zaklanih životinja, namirnica životinjskog porijekla u unutrašnjem prometu, proizvodnji i skladištenju".

Član 3.

Član 46. mijenja se u cijelosti i glasi:
"Ova Odluka stupa na snagu danom objavljivanja u "Službenim novinama Kantona Sarajevo".

Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-14766/06 Predsjedavajuća
5. aprila 2006. godine Skupštine Kantona Sarajevo
Sarajevo Meliha Alić, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 5. tačka 1. Odluke o osnivanju Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe ("Službene novine Kantona Sarajevo", broj 13/98, 13/99, 10/05, 20/05 i 26/05) i člana 161. stav 4. Poslovnika Skupštine Kantona Sarajevo ("Službene novine Kantona Sarajevo", broj 12/05), Skupština Kantona Sarajevo, na sjednici od 5. aprila 2006. godine, donijela je

ODLUKU

**O DAVANJU SAGLASNOSTI NA ODLUKU O IZMJENI I
DOPUNI STATUTA FONDA KANTONA SARAJEVO ZA
IZGRADNJU STANOVA ZA ČLANOVE PORODICA
ŠEHIDA I POGINULIH BORACA, RATNE VOJNE
INVALIDE, DEMOBILIZIRANE BORCE I
PROGNANE OSOBE**

I

Daje se saglasnost na Odluku o izmjeni i dopuni Statuta Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.

II

Ova Odluka će se objaviti u "Službenim novinama Kantona Sarajevo".

Broj 01-05-14767/06 Predsjedavajuća
5. aprila 2006. godine Skupštine Kantona Sarajevo
Sarajevo Meliha Alić, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 14/00, 4/01 i 28/04) i člana 39. stav 1. alineja 6. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj 4/04), Skupština Kantona Sarajevo, je na sjednici od 5. aprila 2006. godine, donijela

ODLUKU

**O DAVANJU SAGLASNOSTI NA PROGRAM RADA
JAVNE USTANOVE "SLUŽBA ZA ZAPOŠLJAVANJE
KANTONA SARAJEVO" SARAJEVO ZA 2006. GODINU**

I

Daje se saglasnost na Program rada Javne ustanove "Služba za zapošljavanje Kantona Sarajevo" Sarajevo za 2006. godinu.

II

Ova Odluka će se objaviti u "Službenim novinama Kantona Sarajevo".

Broj 01-05-14769/06 Predsjedavajuća
5. aprila 2006. godine Skupštine Kantona Sarajevo
Sarajevo Meliha Alić, s. r.

Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe
Upravni odbor

Na osnovu člana 5. tačka 1. Odluke o osnivanju Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe ("Službene novine Kantona Sarajevo", broj 13/98, 13/99, 10/05, 20/5 - Ispravka i 26/05-Ispravka), a u skladu sa članom 9. tačka 1. Statuta Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe ("Službene novine Kantona Sarajevo", broj 1/98 od 14. 8. 1998. godine), Upravni odbor Fonda, na sjednici održanoj dana 17. 1. 2006.godine, donosi

ODLUKU

O IZMJENI I DOPUNI STATUTA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE

Član 1.

U Statutu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe broj 1/98 od 14. 8. 1998. godine (u daljnjem tekstu: Statut) u članu 3. stav 1. mijenja se i glasi: "Sjedište Fonda je u Sarajevu, ulica Hivzi Bjelevca broj 54 - Bačićko polje, Stup".

Član 2.

Član 4. mijenja se i glasi:

"Fond obavlja slijedeće poslove i zadatke:

- prikuplja sredstva ostvarena prodajom stanova u skladu sa Zakonom o prodaji stanova na kojima postoji stanarsko pravo ("Službene novine Federacije BiH", broj 27/97, 11/98, 22/99, 7/00, 32/01, 61/01 i 15/02) (u daljnjem tekstu: Zakon),
- prati i vrši nadzor nad sprovođenjem utvrđene obaveze iz člana 38. Zakona, nad subjektima koji ostvaruju sredstva od prodaje stanova u skladu sa članovima 35, 36. i 37. Zakona,
- sa domaćim i stranim pravnim, odnosno fizičkim licima ugovara i vrši izgradnju i kupoprodaju stanova, zemljišta za gradnju, te druge poslove koji se odnose na nekretnine,
- prati priliv i realizaciju sredstava koja se slijevaju u Fond na osnovu zaključenih predugovora, odnosno ugovora sa krajnjim investitorima gradnje, odnosno kupcima,
- prikuplja tehničku i drugu dokumentaciju neophodnu za gradnju, ugovara gradnju objekata, kupovine i prodaje stanova, poslovnih prostora, odnosno individualnih stambenih objekata fizičkim, odnosno pravnim licima,
- zaključuje ugovore finansijske prirode sa poslovnim bankama i drugim finansijskim institucijama,
- upravljanja i održavanja zajedničkih dijelova zgrada u objektima kolektivnog stanovanja čiji je investitor gradnje u skladu sa Zakonom o održavanju zajedničkih dijelova zgrada i upravljanja zgradama ("Službene novine Kantona Sarajevo", broj 21/04) do sticanja vlasništva na stambenim jedinicama,
- vođenja evidencija i čuvanja dokumentacije stambenih zgrada i stanova čiji je investitor,
- etažiranja, uknjižbe zemljišta, zgrada, pojedinačnih stanova u zemljišne knjige, odnosno stanova izgrađenih nadzidivanjem u knjigu položenih ugovora,

- izdavanja poslovnih prostora, odnosno stanova čiji je investitor gradnje Fond, koje mu povjere Ministarstvo stambenih poslova, odnosno Vlada Kantona i Skupština Kantona Sarajevo".

Član 3.

U članu 5. iza stava 2. dodaje se novi stav 3 koji glasi:

"Za predsjednika i člana Upravnog odbora Fonda može biti nominiran/imenovan kandidat koji ispunjava uslove propisane Odlukom o kriterijima za nominiranje/imenovanje predsjednika i članova Upravnog odbora Fonda ("Službene novine Kantona Sarajevo", broj 4/05 i 11/05)".

Dosadašnji stav 3. postaje stav 4.

Član 4.

U članu 6. stav 1. briše se.

Član 5.

Član 8. mijenja se i glasi:

"Članovi Upravnog odbora za svoj rad odgovorni su Vladi. Ministarstvo stambenih poslova vrši nadzor nad zakonitošću akata davanjem saglasnosti na opšte akte Fonda.

Stručni nadzor Ministarstvo stambenih poslova vrši učešćem u sastavu Komisije na tenderima (javno nadmetanje, investicione vrijednosti preko 50.000,00 KM), odnosno šestomjesečnim izvještavanjem od strane Fonda o planovima i realizaciji gradnje.

U okviru obavljanja poslova stručnog nadzora Ministarstvo stambenih poslova vrši uvid u način obavljanja poslovnih zadataka navedenih u članu 4. ovog Statuta".

Član 6.

Član 9. mijenja se i glasi:

"Upravni odbor Fonda vrši slijedeće poslove i zadatke:

1. donosi Statut Fonda na koji saglasnost daje Skupština Kantona Sarajevo (u daljnjem tekstu: Skupština),
2. donosi srednjoročne planove i programe izgradnje (i kupovine) stanova,
3. donosi Poslovnik o radu Upravnog odbora,
4. prati realizaciju planova i programa izgradnje (i kupovine) stanova, vrši kontrolu namjenskog i racionalnog korištenja sredstava Fonda,
5. usvaja godišnji izvještaj o poslovanju Fonda,
6. usvaja godišnji izvještaj o finansijskom poslovanju na koji je prethodno dato mišljenje ovlaštenog revizora, na koji saglasnost daje Vlada,
7. obavlja i druge poslove za koje je ovlašten propisom, Statutom i drugim općim aktima Fonda".

Član 7.

Iza člana 9. dodaje se novi član 9a koji glasi:

"Saglasnost na godišnji izvještaj o radu Fonda, čiji je sastavni dio finansijski izvještaj, daje Skupština Kantona Sarajevo na prijedlog Vlade Kantona Sarajevo.

Ukoliko Upravni odbor Fonda ne usvoji godišnji izvještaj o radu Fonda i godišnji izvještaj o finansijskom poslovanju Fonda predlaže pokretanje postupka za razrješenje direktora Fonda.

Ukoliko Skupština Kantona Sarajevo neda saglasnost na godišnji izvještaj o radu Fonda, predlaže Vladi Kantona Sarajevo pokretanje za razrješenje Upravnog odbora Fonda.

Saglasnost na godišnje planove i programe rada Fonda daje Skupština Kantona Sarajevo, na prijedlog Vlade Kantona Sarajevo".

Član 8.

Član 12. mijenja se i glasi:

"Za direktora Fonda može se nominirati/imenovati kandidat koji ispunjava uslove propisane Odlukom o kriterijima za nominiranje/imenovanje direktora Fonda ("Službene novine Kantona Sarajevo", broj 8/05 i 24/05)."

Član 9.

Član 17. mijenja se i glasi:

"Sredstva za finansiranje obezbjeđuju se od:

- prikupljenih sredstava ostvarenih prodajom stanova,
- poslovnih prostora čiji je investitor gradnje Fond,
- dotacije iz budžeta Kantona Sarajevo,
- donatorskih priloga pravnih i fizičkih lica iz zemlje i inostranstva,
- naplate usluga održavanja zajedničkih dijelova zgrada,
- ostalih sredstava".

Član 10.

Član 19. mijenja se i glasi:

"Obavljanje stručnih i administrativnih poslova utvrđenih članom 4. ovog Statuta vrši se u okviru Sektora.

Uslovi, način rada, broj izvršioaca, kao i ostvarivanje prava, dužnosti i odgovornosti regulisat će se Pravilnikom o unutrašnjoj organizaciji Fonda."

Član 11.

Član 20. mijenja se i glasi:

"Sva pitanja koja nisu regulisana ovim Statutom, regulisat će se pojedinačnim aktima Fonda, koje donosi Upravni odbor na prijedlog direktora Fonda.

Pojedinačne akte, kojima se reguliše materija, koja nije u nadležnosti Upravnog odbora Fonda, donosi direktor Fonda".

Član 12.

Ova Odluka stupa na snagu danom dobivanja saglasnosti od strane Skupštine Kantona Sarajevo, a objavit će se u "Službenim novinama Kantona Sarajevo".

Broj 01-06-05-78-01/06
17. januara 2006. godine
SarajevoPredsjednik
Upravnog odbora
Almasa Zubović, s. r.

OPĆINA NOVO SARAJEVO

Općinsko vijeće

Na osnovu člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), te člana 18. Statuta Općine Novo Sarajevo - Prečišćeni tekst ("Službene novine Kantona Sarajevo" broj 25/04 i 39/05), Općinsko vijeće Novo Sarajevo, na 16. sjednici održanoj dana 30. marta 2006. godine, donosi

ODLUKU

O PRESTANKU VAŽENJA ODLUKE O NAKNADAMA
ZA KORIŠTENJE PODATAKA I VRŠENJE USLUGA U
OBLASTI PREMJERA I KATASTRA NEKRETNINA

Član 1.

Odluka o naknadama za korištenje podataka i vršenje usluga u oblasti premjera i katastra nekretnina ("Službene novine Kantona Sarajevo", broj 1/99) prestaje da važi.

Član 2.

Naknada za korištenje podataka premjera, katastra nekretnina i katastra zemljišta, naknada za vršenje usluga u oblasti premjera, katastra nekretnina i katastra zemljišta, te posebne usluge, za zahtjeve podnesene do dana stupanja na snagu ove Odluke, rješavat će se u skladu sa Privremenom odlukom o naknadama za korištenje podataka premjera i katastra i Privremene odluke o naknadama za vršenje usluga iz oblasti premjera i katastra ("Službene novine Federacije BiH", broj 69/05).

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-234/06
30. marta 2006. godine
SarajevoPredsjedavajući
Općinskog vijeća
Novo Sarajevo
Nedžad Koldžo, s. r.

Na osnovu člana 29. Zakona o lokalnoj samoupravi, Prečišćeni tekst ("Službene novine Kantona Sarajevo", broj 22/00), članova 18. i 29. Statuta Općine Novo Sarajevo - Prečišćeni tekst ("Službene novine Kantona Sarajevo", broj 25/04 i 39/05), Općinsko vijeće Novo Sarajevo, na Šesnaestoj sjednici od 30. marta 2006. godine, donijelo je

ODLUKU

O IZBORU ETIČKE KOMISIJE

Član 1.

U Etičku komisiju Općinskog vijeća Novo Sarajevo biraju se:

1. AZRA KOZARČANIN - predsjednica
2. AMIR PILAV - zamjenik
3. MIRSADA ALISPAHIĆ - članica
4. SENAD SMAJIĆ - član
5. ANTE GAVRAN - član
6. DRAGAN MILOŠ - član
7. ARNELA ODŽAKOVIĆ - članica

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-243/06
30. marta 2006. godine
SarajevoPredsjedavajući
Općinskog vijeća
Novo Sarajevo
Nedžad Koldžo, s. r.

Na osnovu člana 29. Zakona o lokalnoj samoupravi, Prečišćeni tekst ("Službene novine Kantona Sarajevo", broj 22/00), članova 18. i 29. Statuta Općine Novo Sarajevo - Prečišćeni tekst ("Službene novine Kantona Sarajevo", broj 25/04 i 39/05) Općinsko vijeće Novo Sarajevo, na Šesnaestoj sjednici od 30. marta 2006. godine, donijelo je

ODLUKU

O IZBORU KOMISIJE ZA PITANJA MLADIH I
RAVNOPRAVNOST SPOLOVA

Član 1.

U Komisiju za pitanja mladih i ravnopravnost spolova Općinskog vijeća Novo Sarajevo biraju se:

1. DUŠKO MIRJANIĆ - predsjednik
2. AMIR ŠEHIĆ - zamjenik
3. DRAGICA DIZDAREVIĆ - članica